

Pinerluttunik isumaginnittoqarfimmi inissitanut pulaartarneq pillugu nalunaarut (pulaartarnermut nalunaarut)

Kalaallit Nunaanni Pinerluttulerinermi inatsimmi § 215, immik 4 saamma § 229, immik 2-mi nr. 1045 7.september 2017-imi inatsissatut nalunaarutigineqartumi 10. maj 2022-mi inatsisikkut nr.572-kkut allangortinneqartumi aaliangersarneqarput:

Kapitali 1

Anstaltini inissitanut pulaarneq Pulaarnermut pisinnaatitaaffiit il.il.

§ 1. Inissiisarfiimmi inissitat pulaartoqarnissaminnik akuerineqassapput pinerluttulerinermi inatsit § 215 mannalun nalunaarut naapertorlugu.

§ 2. Inissiisarfiup, inissiisarfiimmi ataasiakkaani pissutsit naapertorlugit torersuunissaq- aamma sillimaniarneq tunngagalugu, inuit amerlassusaat ataatsikkut killilersorsinnaavai

- 1) isertitamut akuerisatut pulaarsinnaasut, aamma
- 2) isertitamut pulaarsinnaasut

Pulaarnermi atortorissaarutit

§ 3. Inuit pulaartarfiit imatut aaqqissuunneqarsimasspput, naliginnaasumik pulaarluni inussiarnerpalaartumik aaqqissuunneqarsimassammata.

Imm. 2. Inissiisarfiimmi pissutsit akuersarneqarsinnaappata, akuerineqarsinnaavoq,

- 1) pulaarneq pissammat inissitap isersimaartarfiani, aamma
- 2) pulaarneq pissammat inissiisarfiup ataatsimoortarfianni.

Pulaartoqarnissamut inerteqqutit

§ 4. Inuit aaliangersimasut pulaarnissaat inerteqqutigineqarsinnaavoq, pulaartoqarnissamullu akuersissut utertinneqarsinnaalluni, pisuni ataasiakkaani torersuunissaq- aamma isumannaatsuunissaq tunngavigalugu.

Imm. 2. Inissiisarfiimmi affarmik mattoqasumi imaluunniit matoqqasumi inissitaq pulaartoqarnissamut akuersissut tunniunneqannginnerani, inissimatitaaq pillugu suliamut tunngatillugu politimesterimut paasissutissanik aallertoqarsinnaavoq.

Imm. 3. Ammasumi inissitap pulaartoqartarnissaa akuerineqannginnerani politimesterimut paasissutissanik aallertoqarsinnaavoq inissitaq pillugu.

Imm. 4. Politimesterimut paasissutissanik aallerneq imm. 2 aamma 3-milu allaqqasuni taamaallaat pisinnaavoq qinnuteqartoq allakkatigut akuersisimappat. Inissiisarfiup inissitaq siunnersussavaa pulaartoqarnissamut akuersisoqassappat politimesterimut paasissutissanik aallernissamut akuerseqqaartariaqartoq.

Imm. 5. Pulaartoqarnissamut qinnuteqaat itigartitsissutigineqarpat imaluunniit peerneqarpat, tamatumunnga tunngaviusoq allaganngorlugu oqaaseqaasiorneqassaaq.

Isigineqarluni pulaartoqarneq

§ 5. Naliginnaasumik pulaartoqarnermi isiginnaartoqassanngilaq.

Imm. 2. Pisuni ataasiakkaani torersuunissaq- aamma isumannaassuseq tunngavigalugu aaliangerneqarsinnaavoq, pulaartoqarneq sulisunik isigineqassasoq.

Imm. 3. Pulaartoqarneq isigineqassanngilaq pulaartoq eqqartuussisuserisuuppat akuerisaq imaluunniit eqqartuussisuserisoq illersuisussanngortitaappat imaluunniit inissitaniit pinerluttunut tunngasuni suliami toqqagaappat, inissiisarfirmi tunniunneqartoq imaluunniit pinerluttunut tunngasuni suliami.

Imm. 4. Inissiisarfirmi sulisunik isigineqarluni pulaartoqarnermi piunasaqaataasinnaavoq isiginnaartup paasisinnaasaanik oqaluttoqassasoq. Pissutsit tunngavissaqarluarpata nutserisumik atuisoqarsinnaavoq.

Pulaartumik kipisitsineq

§ 6. Pulaartoqarneq kipisinneqarsinnaavoq, pisuni ataasiakkaani torersuunissaq- aamma isumannaassuseq tunngavigalugu

Pigisat nassatat il.il.

§ 7. Inissiisarfiup, inissiisarffinni ataasiakkaani pissutsit tunngavigalugit torersuunissaq- aamma isumannaassuseq tunngavigalugu, inissiisarfiup killilersorsinnaavaa pulaartup inissitamut suut nassassaneraim imaluunniit suut pigissaneraim. Inissiisarfiup aaliangersinnaavaa suut nassarneqassannginersut, misissornissaannut ajornartut allallu inissiisarfirmeeqqusaanngitsut, inissiisarfirmi inerteqqutit, tak. pigisanut nalunaarut.

Imm. 2. Pulaarnermi mobiltelefonit nassarneqarsinnaanngillat. Tamannali atuutinngilaq pulaartoq eqqartuussisuserisuuppat akuerisaq imaluunniit eqqartuussisuserisoq illersuisussanngortitaasimappat imaluunniit inissitaniit pinerluttunut tunngasuni suliami toqqagaappat, inissiisarfirmi tunniunneqartoq imaluunniit pinerluttunut tunngasuni suliami.

Imm. 3. Inissiisarfiup siusinaarluni pulaartut kalerrittassavi suut nassaqqusaanngitsut pinerluttulerinermi inatsit § 229, imm. 2 naapertorlugu, arsaarinnissutaasinnaapput pigisat aningaasallu inissitanut eqqussat, aammalu eqqartuussivimmut misilitsinnissaq periarfissaalluni pinerluttulerinermi inatsit § 246 naapertorlugu, tak. § 253.

§ 8. Inissiisarfirmi immikkoortortaqarfimmi matoqqasumi pulaartoqarniaraanni pulaartup nassatai misissoqqissaarneqassapput

Imm. 2. Ammasumi affarmillu matoqqasumi pulaartoqarniaraanni pulaartup nassatai misissoqqissaarneqarsinnaapput. .

imm.3. Pulaartorisap nassatai misissoqqissaarneqassappata pulaartoq taassuminnga ilisimatinneqaaqassaaq.

1) misissuinissaq aatsaat pissaaq pulaartoq akuersippat aamma

2) anisitsisoqarsinnaanera pillugu ilisimatinneqassaaq tassa pulaartup nassatami misissorneqarnissaat itigartitsissutigippagu.

Pulaartup atisaanik misissuineq aamma pulaartup atisaanik qallernik misissueqqissaarneq

§ 9. Matoqqasumipulaartup atisat takkukkami atugarisai misissorneqassapput tassunga ilanngullugu pulaarnissamut atugassarititaasunut ilanngunneqarsinnaavoq, pulaartoq piunaffigineqaruni Pinerluuteqarsimasunik Isumaginnittoqarfiup qimmiinit ikiaroorartumik misissuisartunit misissorneqassasoq ilanngullugu.

Imm. 2. Ammasumi ilaatigullu matoqqasumi pulaartup takkukkami atisaanik misissuisoqarsinnaavoq. . Tassunga ilanngullugu pulaarnissamut atugassarititanut ilanngunneqarsinnaavoq pulaartop piunaffigineqaruni Pinerluuttunik Isumaginnittoqarfiup qimmiinit ikiaroonartumik misissuisaartunit misissorneqassasoq

§ 10. Atisanik qallernik pulaartup takkukkami atisarisaanik misissuinermi saviminermut misissuut atorineqarsinnaavoq aamma pulaartop piunaffigineqarsinnaavoq suut pigisat il.il.kaasarfimmiuni qalloqqullugit. Aammattaaq atisat qaavisigut pattallugit sattallugilluunniit pulaartup atisami ikiaani Kaasarfimmini imaluunniit timimini toqqugaqarsimanersoq paasinialugu.

Imm. 2. Ilaatigut tunngavissaqartumik pasitsattoqarpat pulaartop anngiortumik arlaanik eqqussiniartop pulaartup atisai qalliit misissuiffigineqarsinnaapput.

Imm.3. Pulaartup atisaanik qallernik misissuiffigineqarsinnaammi pulaartop innaneqassaaq atisani qalliit peeqqullugit inissisarfiup annertunerusumik misissorsinnaaniassammagu.

§ 11. Pulaartup atisaanik qallernik misissuisoqarniarpat §§-t 9 aamma 10 malillugit pulaartop paasitineqareersimassaaq

1) misissuineq pulaartup akuerisaanik pissammat, aammalu

2) pineqartoq misissorneqarusunnigippat, pulaarnissamut akuersissut itigartitsissutigineqarsinnaammat.

§ 12. Annertunerusumik misissuineq §§ 9 -10-lu malillugit pissaaq sapinngisamik pulaartup narrunarsarneqarluni misinnginnissaa mianeralugu.

Imm. 2. Atisat qalliit pattallugit imaluunniit sattallugit, tak.§10, imm. 1, pkt 2 misissuisoqassappat misissugassamit allatut suaassuseqartumit suliarineqassanngilaq.

Imm.3. Pulaartup atisaanik qallernik , tak. §10, imm.1, pkt 2 malillugu annertunerusumik misissuisoqassappat inimi immikkut ittumi pissaaq aamma inunnit allanik suaiaqatiginngisanit suliarineqassanngilaq najuuttoqassananilu taamaallaat taanna misissugassaq kisimi tassaniissaaq. Misissuineq pulaartunit allanit imaluunniit inissisarfimmiittunit najuuffigineqassanngilaq.

§ 13. Pulaartumik annertunerusumik atisaanik qallernik misissuisoqassappat, tak. § 10, imm. 2 aamma 3 misissuinermut pissutaasutpillugit allaatiginnittoqassaaq misissinerullu ineranik ilallugu. .

Meeqqanik pulaartoqarneq

§ 14. Naliginnaasumik meeqqanik pulaartoqarneq taamaallaat pisinnaavoq inersimasumik ilaqartillugu.

Imm. 2. Meeqqanik pulaartoqarneq taamaallaat pisinnaavoq angajoqqaatut akisussaasup akuersineratigut. Pisuni angajoqqaat tamarmik meeqqamut akisussaasuni, ataasiakkaani nalilersorneqassaaq, angajoqqaat tamarmik akuersissutaannik piniaqqaartoqassanersoq.

Kapitali 2

Pinerluttunik isumaginnittoqarfiup pensioniani inissitanut pulaarneq

§ 15. Pinerluuuteqarsimasunik isumaginnittoqarfiup pensioniini §§ 1-3, § 4, imm. 1 aamma imm. 3-5, § 6, § 7, imm. 1 aamma 3, § 8, imm. 2, § 9, imm. 2, § 10, imm. 1, § 11 aamma § 14 assinganik atuutsinneqassapput.

Kapitali 3

Atortuulersitsineq

§ 16. Nalunaarut atortuulersinneqarpoq, ulloq 4. juli 2022

Imm.2. Nalunaarut nr.1174 7. december 2009-meersoq atorunnaarpoq

Kalaallit Nunaanni Pinerluttunik isumaginnittoqarfia, ulloq 1. juli 2022

Christian Høygaard